



ERABAKIA, KIROL JUSTIZIAKO EUSKAL BATZORDEARENA, ZEINAREN BIDEZ EZ BAITA ONARTZEN xxxxxxxxxxxxxxxxxxxxxxxx JAUNAK, EUSKAL KARATE FEDERAZIOKO KIDEAK, KARATEKO HAUTESKUNDE-BATZORDEAREN 2017ko URTARRILAREN 11ko 1 ZENBAKIDUN EBAZPENAREN AURKA ETA HAUTESKUNDE-BATZORDE HORREK HARTUTAKO ZENBAIT ERABAKIREN AURKA AURKEZTUTAKO ERREKURTSOA

Esp.-zk.: 16/2017

AURREKARIAK

Lehenengoa.- 2017ko urtarrilaren 24an, xxxxxxxxxxxxxxxxxxxxxxxx jaunak, Euskal Karate Federazioko (hemendik aurrera, EKF) kideak errekurtsua aurkeztu zuen Kirol Justiziako Euskal Batzordean (hemendik aurrera, Batzordea); errekurtsu horretan, Karateko Hauteskunde Batzordearen 2017ko urtarrilaren 11ko 1 zenbakidun ebazpena eta hauteskunde-batzorde horrek hartutako zenbait erabaki aurkaratzen zituela adierazi zuen.

1 zenbakidun ebazpenaren aurkaratzeari dagokionez, errekurtsogileak interesduna dela egiaztatu beharko luke, ebazpenaren hartzaila ez den aldetik, betiere Administrazio Publikoen Administrazio Prozedura Erkidearen urriaren 1eko 39/2015 Dekretuaren 4. artikuluan xedatutakoari jarraikiz. Inguruabar hori ez dago jasota aurkeztutako errekurtsuan.



Batzorde horrek *“hartutako erabakiei”* dagokienez, zehazki zein erabaki aurkaratzen dituen zehazten ez duen arren, baina badirudi hauteskunde-prozesua abiarazten duen 2016ko abenduaren 21eko ebazpenari buruz ari dela, hona hemen haren argudioak.

Lehena.- Kirol-arloko lurralde-federazioetara ez da bidali hauteskundeen aginduan eta hauteskunde-erregelamenduan bertan aurreikusitako gutxieneko informaziorik, eta horren ondorioz, babesgabetasuna eta benetako kaltea eragin dira; izan ere, zenbait datu aurkaratzeak egiteko aurreikusitako epea amaitu eta hurrengo egunean argitaratu ziren.

2016ko abenduaren 21eko Ebazpenaren bitartez hauteskunde-prozesuak abiarazten dira, eta hauteskunde-errolda esaten zaiona onartzeaz gain, errolda horiek argitaratu behar direla agintzen du; dena dela, aurkaratzeko epea igarotakoan argitaratu ziren (urtarrilaren 10ean).

Hortaz, hauteskunde-prozesuak arautzen dituen Aginduan xedatutakoa ez da bete, 2016ko abenduaren 21eko Erabakia eta egutegia baino ez baitziren argitaratu; ez datu gehiago, ez dokumentu gehiago ere, hauteskunde-erregelamendua barnean hartuta.

Bigarrena.- Aurrerago balizko hauteskunde-erroldatzat argitaratzen den hori ez dela hauteskunde-errolda, eta ezin duela izan, federazioaren idazkari organikoaren ziurtagiri bat baino ez delako, eta gainera, idazkari hori euskal federazioaren egungo presidentea jabea den gimnasio bateko langilea da.

Huteskunde-errolda deitzen baldin bazaio, honako aurreikuspen hau bete behar du:

22. artikulua.- Hauteskunde erroldako inskripzio bakoitzeko edukia.

Huteskunde erroldako inskripzioak, gutxienez, izen-abizenak, nortasun agiria, sexua eta federazio-lizentziaren zenbakia jasoko ditu pertsona fisikoen kasuan. Pertsona juridikoen kasuan, berriz, inskripzioak gutxienez



sozietatearen izena, identifikazio fiskaleko kodea, eta federazio-afiliazioaren zenbakia bilduko ditu.

Egia da euskal federazioetan, hauteskunde-errolda lurralde-biltzarrek osatzen dutela, hautesleen eta hautagaien aldetik, baina euskal federazioen prozesuan beste errolda bat ere badago eta, hortaz, baita hauteskunde-errolda ere, baina hori aurrekoa bezain garrantzitsua da erabateko hedapen eta informazioari dagokienez; lurraldeko federazio bakoitzeko kideen erroldaz ari gara, estamentu bakoitzaren arabera, horren arabera erabakitzen baita estamentu bakoitzean probintziako federazio bakoitzari zenbat ordezkari dagozkion, proportzioan.

Hala badagokio, errekurritu ahal izateko, ez da nahikoa ustezko kide kopuru batek ziurtagiria egitea, baizik eta kide bakoitza NANarekin eta IFZrekin identifikatu behar da, zenbakiaren atzean pertsonak daudela egiaztatzeko eta klubak, direnak direla, dagozkien federazioan erregistratuta daudela, kirol-erakundeen erregistroan karateko modalitatean daudela eta bakoitzak dagokion IFZ duela egiaztatzeko.

Hirugarrena.- Horregatik guztiagatik, honako hau eskatzen du:

1. 2017ko urtarrilaren 11ko ebazpen eta erabakiak bildutako erabakiak deuseztatzea eta, horren arabera, jarduketak atzera ekar daitezen erabakitzea; horretarako, hauteskundeetako dokumentazio guztia – hauteskunde-errolda eta hauteskunde-erregelamendua barnean hartuta– hasieratik eta inpugnazio-epearen barruan argitara dadin agindu behar da.

2.- Ordezkarien esleipena kalkulatzeko kideen errolda publikoa izatea eta argitaratzea, kalkulua baliozkoa den ala ez erabakitzeke irizpideak izate aldera; izan ere, estamentuen liburua ez denez publikoa, ziurtagiri soilarekin ezin da jakin kontabilizatutako kideak falta diren ala sobera ote dauden.



Bigarrena.- Kirol Justiziako Euskal Batzordeak errekurtsio hori tramitatzea erabaki zuen, eta espedientea eskatu zion eta audientzia-tramitea eskaini zion EKFarri. Federazio horrek ez du alegaziorik helarazi.

ZUZENBIDEKO OINARRIAK

Lehenengoa.- Euskadiko Kirolaren ekainaren 11ko 14/1998 Legearen 138.b) artikulua eta Kirol Justiziako Euskal Batzordea arautzen duen urriaren 18ko 310/2005 Dekretuaren 3.b) artikulua eskumena aitortzen diote organo honi «*kirol-diziplinako ahalmena duten kirol-organo titularren erabakien aurka jarritako errekurtsioak aztertzeko eta ebazteko*».

Bigarrena.- Federazioaren Hauteskunde Batzordeak alegaziorik egin ez duen arren, egiaztatu du prozesuaren deuseztasun partziala deklaratzeko erabaki duela, beste errekurtsiogile batek kasu honen baldintza berdinetan aurkeztutako beste errekurtsio bati dagokionez, betiere gardentasunaren izenean (alegazioak egin zituen eta 2017ko urtarrilaren 31ko 3 zenbakidun aktaren kopia aurkeztu zuen), errekurtsiogilearen eskaerak onartuta. Erabaki berri horrek ondorio hauek izango ditu:

1.- Hauteskunde-egutegia aldatzea; izan ere, egutegi berria onartu behar da eta akta honekin batera argitaratu, bai Euskal Federazioaren web-orrian, bai lurralde-federazioen orrietan.

2.- Bizkaiko eta Gipuzkoako Federazioek helarazitako erroldak argitaratzea. Arabako Federazioak ez du helarazi hauteskunde-prozesuan erabilitako errolda; beraz, Euskal Federazioaren eskura iristen den bezain laster argitaratuko da.



3.- Euskal Federazioaren Idazkaritzak egindako ziurtagiria argitaratzea; ziurtagiri horretan, lurralde historiko bakoitzean eta autonomia-erkidegoaren eremuan guztira zenbat lizentzia dauden agertzen da.

4.- Batzordeak 2016ko abenduaren 21ean hartutako hirugarren erabakia oso-osorik berrestea, Euskal Karate Federazioaren Batzar Nagusiko kideen kopuruari eta estamentuaren nahiz lurraldearen araberrako esleipenari dagokienez, betiere errolden arabera.

5.- Prozesu honetan aplikatu beharreko Hauteskunde Erregelamendua argitaratu izanaren berri jasota geratzea bai Euskal Karate Federazioaren orrian, bai lurralde-federazioetako orrietan.

6.- Hauteskunde-egutegiko aldi edo fase bakoitzaren hasieran eta bukaeran egutegi hori webgunean argitaratzea.

7.- Hauteskunde Batzordearen erabateko legitimitatea berrestea, Eusko Jaurlaritzaren Kirol Zuzendaritzak erabakitakoaren arabera.

Horretarako, EKFAren web-orrian kontsulta egin dugu eta egiaztatu dugu aktaren edukia betetzen dela.

Ondorio gisa, eta azaldutakoa aintzat hartuta, errekurtsio honen helburua galdu egin da gerora. Horrenbestez, egoera hori deklaratu egin behar da eta arrazoi hori dela medio errekurtsioa ez da onartu behar.

Horren guztiaren ondorioz, Kirol Justiziako Euskal Batzordeak honako hau



ERABAKI DU

XXXXXXXXXXXXXXXXXXXXXXX jaunak Euskal Karate Federazioaren hauteskunde-prozesuan hartutako erabakien aurka aurkeztutako errekurtoa ez onartzea, errekurtoaren helburua galdu egin delako; errekurtoan, erabaki horiek deuseztatzea eskatzen zuen.

Interesduna dela ez egiaztatzeagatik, aipatutako Federazioaren Hauteskunde Batzordearen 1 zenbakidun ebazpenaren aurka jarritako errekurtoa ez onartzea.

Erabaki honek amaiera ematen dio administrazio-bideari, eta, beraren aurka, aukerako berraztertze-errekurtoa aurkeztu ahal izango diote interesdunek Kirol Justiziako Euskal Batzordeari, hilabeteko epean, erabakia jakinarazi eta hurrengo egunetik aurrera; bestela, administrazioarekiko auzi-errekurtoa aurkeztu ahal izango dute, Gasteizko Administrazioarekiko Auzien Epaitegian edo errekurto-egileen helbidearen arabera dagokienean, bi hilabeteko epean, erabakia jakinarazi eta hurrengo egunetik aurrera, hala xedatzen baitu Administrazioarekiko auzien jurisdikzioari buruzko uztailaren 13ko 29/1998 Legeak.

Vitoria-Gasteiz, 2017ko martxoaren 16a.

JOSE LUIS AGUIRRE ARRATIBEL

Kirol Justiziako Euskal Batzordearen presidentea